





H. XIII. 8

Novo-Tacín. Liter.~

937.
I





Henrici Nicolai

1. Oratio de Protervia quadam Philosophica.
2. Miscellanearum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi
Comentatio.

D. O. M. A.
Miscellaneorum
DECADIS III.
EXERCITATIO VIII

Adl. 32

De

IUSTITIA

PARTICULARI ET MAN-
SVETVDINE.

Practico-Philosophica.

*Pro disputationis exercitio ad sententiarum
collationem proposita*

In Gymnasio Gedanensi

PRÆSIDE

HENRICO NICOLAI

Phil: Professore Publico.

Respondentis partes expediente

JOANNE DORSCHIO

Dantiscano Borusso.

Ad diem 14. Aprilis. S. N.

In Acröaterio Philosophico.

Horis ab 7. matutinis.

GEDANI. Typographo GEORGIO RHETIO ex-
scripta. ANNO 1638.

D. C. M. A.
M. C. H. A. R. A. C. T. I. S.
D. E. A. R. T. I. S.
E. X. A. M. I. N. A. T. I. O. N. I. S.

IVS P. A. R. T. I. C. U. L. A. R. I. U. M. S. V. E. T. I. D. I. S.

Præfatio
De Institutione
De Officiis
De Virtutibus
De Libertate

H. A. R. C. U. S.
I. N. D. E. X.

De Civitate
De Religione
De Moribus

De Legibus
De Iustitia
De Pace

De Libertate
De Virtutibus
De Officiis

De Institutione
De Civitate
De Religione

De Justitiâ parti- culari & Mansuetudine.

I.

Multi sunt S. Ambrosius, Basilus, Aristoteles, Plinius, Plutarchus, aliq^q in admiratione Echeneidos s. remora, exilis pisciculi, qui vastissimas navium moles plenis ventorum turbinibus agitata nullo labore, non detinendo, non obsistendo, non manus ingiendi, moliendo, aliove modo, sed solum adherendo remoratur, & à cursu avertit. Haud minus miranda est vis virtutis, quam justitiam appellare consuevimus, quæ ubi hominis animo semel insedit, nullâ vi, nullo molimine, a. tractu, sed suavi inclinatione adeò deflectit, ut non possit velle, nisi justa: non desiderare, nisi quod jubente justitiâ sibi suisq^q equitas addicat; non possidere aut retinere, nisi quod eadem assignante tribuatur: adeò deniq^q in versando cum alio rectum incedere, ut quod olim de Fabricio Romano ferebatur, facilius Solem è cursu suo præcipites, quam hunc à recto justog^q equitatis tramite. Quod si injustum intervenit, remoram conciliat: ne, quod pravitate inchoatum, atrocioris scelere compleatur. Ducem quendam, Muricam nomine, salutarem remoram nominatum ex Pierio Valerio Marlianus c. 2. th. Polit. tradit, quod à Rege in Civitatem Guido ad juvenes universos castrandos, (hoc n. facturum Rex furore jura-

verat,) missus, tantum mora in itinere traxerit, ut isti re-
comperitā veniam exorare, factumq; mutatio Rege, avertere
potuerint. Inde salus genti extitit: fama moram interponen-
ti. Ergo tam sancta utilaq; Virtutis adeunda jam sunt pene-
tralia, in quibus semper aequi probiq; respectus religiosā cum
observatione versatur, nihilq; utile, quod ab honesto alienum,
astimatur. Jam post homileticas unā cum mansuetudine, fas
est eam discutere.

2. Fuerant Virtutes Conversationem dirigentes, Vi-
dende sunt virtutes, actiones nostras cum alijs gubernan-
tes. Nam in Conversatione vel familiaritatem, vel actionem
aliquam regendam esse d. 7. t. 2. & d. 3. t. 17. diximus. De
familiaritate regendā praeceps exercitatio egit. Actio est
vel nostra alijs exhibita, vel aliorum nobis. In actione nostrā
cum alijs justē nos habeamus, quorsum inclināt iustitia: In
aliorum erga nos mansuetē & humaniter nos habeamus, quor-
sum mansuetudo & Clementia. Utraq; hac exercitatione lu-
stranda.

3. Iustitia particularis vel quā praecognitionem spectare
queat, vel cognitionem. Praecognitio expendet, An nova &
peculiaris virtus distincta ā coeteris virtutib. particulari-
bus sit iustitia particularis? Esse talem ā naturā oppositorum
& formali ejus ratione patet. A naturā oppositorum, nam
in iustitia particularis est peculiare vitium morale distinctum
ab omnibus reliquis. Nam qui plus justo accipit, nec intempe-
rans, nec audax timidusue, nec mendax, rusticanus, illibera-
lis aut ambitiosus dicitur, sed praecisē injustus, peculiari vitio
morali. E. & opposita isti vitio virtus est distincta moralis
virtus, quae iustitia particularis. Oppositorum n. similis est ra-
tio quā cognitionem & distinctionem. A formali ratione,
quia nulla coeterarum particularium virtutum medium in di-
stri-

stributione & commutatione rerum externarum servat, ut nec plus nec minus, ac par est, capiatur, quàm sola hac justitia particularis. At hoc peculiare munus & formale virtutis est. E. ex eo etiam peculiaris & distincta à cæteris virtus exurgit, quæ mediocritatem circa tale objectum tali modo componat. In contrarium obvertitur, quòd justitia omnes virtutes velut species sub se comprehendat: sit mater & nutrix cæterarum virtutum: non versetur inter duo extrema sibi opposita, ut virtutes speciales solent, sed unum, injustitiam: nulum affectum s. motum hominis internum moderetur & ad mediocritatem componat: sit hominis bonum alienum & ad alium referatur, ut docetur 5. Nicom. c. 3. Cum virtus sit bonum possidentis proprium: Et injustitia non speciale vitium, sed commune omnium vitiorum adjunctum sit. Quid his respondendum, per discursum dicetur. Quædam ex d. 3. t. 10. d. 4. t. 6. 7. 26. patent. Conf. Timpler. 3. Eth. c. 10. q. 1. Strevsdorf. d. 1. & jur. q. 59. a. 1. q. 57. a. 7. 8.

4. PræCognitio justitiæ particularis fuit: Sequitur Cognitio, quæ nominalis & realis. Nominalis per homonymiam, Etymologiam, & synonymiam. Hac in voce justitiæ d. 4. t. 2. 3. 4. visa sunt. Interdum vocatur & æquitas. Vt in illo Ulpiani l. 1. ff. d. pact. Hujus edicti æquitas naturalis est, i. e. decretum naturæ justum est. Interdum æquitati contradistinguitur. V. d. 4. t. 23. Interdum notat concordiam & consensum rerum, ut cum justè factum dicitur, quod consentaneè & cum partium velut concordia actum est: Interdum virtutem specialem ad jus suum cuiq; reddendum disponentem, Vt hic. Vox particularis interdum notat oppositum singulari, ut cum propositio alia particularis, alia singularis dicitur: Interdum ipsum singulare, ut cum individuum particulare quid in specie dicitur: Interdum utrumq; indifferenter, ut cum in modo

Darii Minor particularis iubetur esse, ubi comprehenditur singularis: Interdum aliquid, quod in agendo ad certos effectus est determinatum, quomodo cause particulares dicuntur, quae certa in suo genere agunt, non omnia: Interdum quod circa particularia objecta occupatur. Sic sapor sensus particularis, quia determinati objecti, sapidi: sensus communis Universalis, quia omnium objectorum sensilium: Sic disciplina Philosophica, Physica, Pneumatica, Arithmetica, particulares, quod particulare objectum Philosophia delibent: Metaphysica universalis, quod Ens ut ens in universâ latitudine speculandum assumat. Hoc modo iustitia particularis dicitur, quod circa determinatum objectum, cuius moderationem praescribit, occupetur, ut d. 4. t. 26. dictum. Dicitur & iustitia moralis, ut universalis legalis dicebatur.

5. *Nomine visores ipsa in definitione, objecto, proportionem, divisione, effectibus & oppositis spectetur.*

6. *Definitio sit: Iustitia particularis est virtus moralis directâ, medium prudentiâ in usurpatione rerum externarum, in quibus plus a minus, lucrum aut damnum locum habet, servare faciens.*

7. *Ex genere dicitur Virtus moralis directâ. Hec ex d. 3. t. 17. patet. Differentia à formali ratione versandi & objecto est sumpta. Formalis ratio est medium prudentiâ in rebus externis servare facere. Medium prudentiâ ex d. 3. t. 14. Servare facere ex d. 5. t. 6. patet. Prudentiâ medium hic paulò aliter, quàm in reliquis virtutibus moralibus servari testatur Aristot. 5. Nicom. c. 9. Et ex duobus patet. 1. Medium iustitiâ non versatur inter duo extrema actu & realiter distincta, ut cæterarum virtutum, ut liberalitas inter avaritiam & profusionem, fortitudo inter audaciam & timiditatem, temperantiâ inter intemperantiâ & insensualitatem*

rarem, quæ extrema realissimè sunt distincta, ut actionibus
 distinctis & contrariantibus constituentur: Vt & uni subjecto
 in unâ actione simul convenire obrepugnantem naturam ne-
 quaquam possint. V. d. 4. t. 27. Sed ratione & virtute tan-
 tum distincta, ut quoddam rem quidem sit unum vitium, quoddam
 rationem tamen formalem & considerationem Ethicam du-
 plicem anomiam in se habeas, & excessum, ratione pluris,
 quod quis capit, quam sibi debetur, & defectum, ratione
 minoris, quod alteri confertur, quam ipsi debetur. Esi utrum-
 què istud vitium Ethicè spectatum, uno tantum nomine in-
 justa vocetur. V. d. 3. t. 10. E. g. injustus in vendicandâ sibi
 alienâ pecuniâ uno eodemq; actu quoddam rem & essentiam, du-
 plicem committit vitiositatem quoddam rationem & considera-
 tionem Ethicam: & excessum, dum sibi plus vendicat, quam
 jure debetur: & defectum, dum alteri minus relinquit de sua,
 quam ipsi jure debetur. 2. Medium justitiæ & rationis est
 medium, quale omnis reliquæ virtutis, V. d. 3. t. 8. 14. & rei,
 quod non est in cæteris virtutibus, ut nempe quoddam rem ipsam
 absolute nec plus nec minus capitur, quam par est, non atten-
 dâ conditione personæ, temporis, loci, dignitatis, nisi peculia-
 ris necessitas intercurrat, ut post patebit. & c. Hoc medium A-
 rithmeticum & rei imprimis in justitiâ commutativâ serva-
 tur, ubi vi justitiæ aequalitas rerum, non personarum s. con-
 ditionis personæ attendi dicitur. Ita ut æquo pretio aqua gene-
 rositatis vinum vendere cogaris rustico aut bubulco, ac vendi-
 deris Consuli, aut secus faciens à virtute deviare censearis.
 Quamquam & hic dici potest observari medium rationis
 formaliter, etsi sit rei materialiter. Omnis virtus servat me-
 dium rationis ex se & formaliter, in quantum virtus est, i. e.
 prout recta ratio ex judicio viri prudentis ratione omnium
 circumstantiarum & cæteris paribus determinaveris: si hoc

cum medio rei coincidit, per accidens & materialiter id est, non eligitur à virtute, ut præcisè medium rei, sed ut rationis est: in hoc enim casu recta ratio tale medium dicitur, & sic quà à ratione servandum dicitur, à virtute servatur, atq; ita in formali suo, quod ad virtutem habet, omninò medium rationis dici potest. Sic igitur iustitia particularis medium prudentiæ servabit, nec sumendo plus, quàm sibi debetur, nec tribuendo minus, quàm alteri debetur, & in rerum commutatione, ubi contractus sunt, & distributione, ubi præmia aut incommoda occurrunt. Sic etsi commutativa aequalitatem rerum simpliciter spectet: tamen ratione variarum circumstantiarum eam spectat: pretium n. rerum statuendum vel pro copiâ earum, vel nostrâ indigentia. Sic cum annonæ est copia, pretium decrescit: cum inopia, accrescit. Et sic medium prudentis rationis etiam hic servatur. Casus l. 5. sp. mor. c. 3. om. virtutem servare medium rationis respondet, si actum spectemus, non si habitum a. proportionem. Sed aliene hac opponuntur. Habitus virtutis & actus virtutis ab habitu profectus idem servat medium eandemq; proportionem. Rationis formaliter, rei interdum materialiter. Dices: Tale medium & in temperantiâ servari potest, nam castitas docet uti propriâ uxore simpliciter, nullâ circumstantiâ reliquâ attentâ, nunquam permittit alienâ uti. E. & hic medium rei est. R. Hec concurret & temperantiâ & iustitiâ. Temperantiâ, quâ modus ponitur Veneri, nec illicito tempore, loco, modo, illa exerceri jubetur, sic est medium rationis: Iustitiâ, quâ ab alterius uxore simpliciter abstinere jubetur, & sic alteri, quod suum est, relinquitur: sic est medium rei propter iustitiâ, quâ rem ipsam: quâ rationem prudenter id dictantem medium Rationis.

8. Circa hoc medium prudentiæ in iustitiâ observanda sunt duo. I. Ratio & causa, quæ ad illud servandum nos indu-

ducat. Hoc cogitet homo, 1. Naturæ præceptum esse, quod tibi
 fieri vis, id alteri feceris: & quod tibi fieri non vis, alteri
 non feceris. Hoc fundamentum est omnis justitia in vitâ com-
 muni servanda, & naturæ à DEa inditum, ac à Christo repeti-
 tum est. Matth. 7. v. 12. Luc. 6. v. 31. & à Tobia seniore fi-
 lio præscriptum. Tob. 4. v. 16. Severus Imperator in pala-
 tio & publicis operibus illud perscribi jussit, & frequentissimè
 in ore habuit. Lamprid. in vit. ejus. Et si fundamentum o-
 mnium præcisè virtutum non sit: justitia tamen inter homines
 colenda rectè esse dicitur. Exhaurit enim totam illam pariem
 juris naturalis, quod officium nostrum erga homines continetur,
 ut neminem ledere, & cuiq; suum tribuere. Circa sensum e-
 jus nota, 1. Quod voluntas nostra sit regula officij erga alium
 præstandi, non qualitercunq; se habens, sic enim turpe quid si-
 bi volens, faceret idem alijs: sit inebriari volens inebriaret a-
 lios, ad scortandum invitari volens invitaret eò alios: sed ut
 benè ordinata, rectificata, perturbationibus vacua, ac ad
 lumen naturale probe conformata est. Sic quod nobis fieri vel-
 lemus, præstare debemus alteri: & quod nobis fieri nolumus,
 alteri exhibere non debemus. Sic si nobis, cum miseri essemus,
 eleemosynam à ditioribus erogari velimus, debemus & ean-
 dem pauperibus erogare. 2. Quod voluntas sit regula officij
 non in sensu identico & formali, ut quod ab alijs nobis fieri
 volumus, idem in specie vel numero alijs faciamus: sic enim
 heri cogereatur servis suis servire: nam id sibi à servis fieri
 volunt: Magistratus cogereatur subditis parere, nam id à sub-
 ditis sibi fieri vult: Et idem numero vinum, quod pro me e-
 missem, pro altero emere cogerer, quod impossibile: Sed a-
 nalogico & hypothenico, vel simile officium, vel idem, si sci-
 licet nos illorum loco essemus, notante. Sic si nos servi esse-
 mus, vellemus heros benignos esse. Tales ergo & servi esse
 de-

debemus, cum heri sumus. 2. Æquum esse, homines justitiam inter se colere, cum in brutis imaginem ejus observemus. Sic Ciconiæ & vultures Africani gratitudinem exercent. V. Scalig. ex. 231. f. 4. Elephantum adulteria horrent, & equitatem rigidè observant. Aristotel. l. 5. hist. an. c. 14. l. 9. c. 46. Cameli cum matribus nunquam congregiuntur. Id. l. 9. c. 47. Iniquum autem est, hominem à brutis in virtute colenda superari. 3. Exempla justorum & ob id laudatarum frequenter adspiciet, ut Aristides, Solonis, Agesilai, Salomonis, Lycurgi, aliorum, quæ Zvingerus vol. 14. l. 6. suppeditat: & injustorum, ac ob id vituperatorum, ut Lysandri, Neronis, Caligule, aliorumq, quæ apud eundem vol. 16. l. 1. vide. 4. Christianus etiam scripturæ præcepta de colendâ justitiâ considerabit. Exod. 23. v. 1. 2. 3. 6. 7. 8. Lev. 19. v. 35. 36. fugiendâ injustitiâ. 1. Thesf. 4. v. 6. 2. Tim. 2. v. 19.

9. 2. Modus, juxta quem illud medium prudentia in justitiâ particulari est observandum. Hic communiter proportio vel proportionalitas dicitur, cujus frequens in hac materiâ est mentio, de quâ consequenter jam aliquid est præcipiendum. Debet justitia lucrum seu nimium commodum, quod unus in aliquo actû injusto sentit, & nimium damnum seu incommodum, quod alter, cui injuria facta, expertus est, ad æqualitatem redigere, ut t. 12. patebit. In eo enim est iniquitas, quod alter plus boni sentit, quàm par fuit: alter plus damni, quàm ipsi debitum fuit. Queritur, quam proportionem & analogiam justitia servare debeat, ut istam iniquitatem ad medium redigat, ut fiat æqualitas, & sic fundamentum justitiæ introducat? Proportio, voce Mathematicorum propria, dici potest certa quædam numerorum & magnitudinum ad sese comparatio & collatio. Estq, primaria & secundaria. Primaria, quæ primario in numeris & magnitudi-

dinibus observatur. Est vel Arithmetica, cum perfecta equalitate numeri à se distant, ut 2. 4. 6. 8. Qui omnes binitate à se distant: vel Geometrica, cum numeri duplâ vel majore proportionem inter se distant, ut quoties primus continetur in secundo, toties secundus in tertio, tertius in quarto, & sic consequenter; ut 4. 8. 16. 32. 64. Hic ut 4. bis est in 8. Sic 8. bis est in 16. & 16. in 32. &c. vel Harmonica, cum tanta est numeri maximi ad minimum proportio, quanta differentia intercedentis inter duos majores ad differentiam inter duos minores. Ut 3. 4. 6. 3. & 6. sunt numeri maximi & minimi. 2. est differentia inter majores 4. & 6. intercedens, 1. inter minores 3. & 4. Ut 6. tanquam maximus bis continet 3. tanquam minimum: ita differentia majorum 4. & 6. nempe 2. bis continet differentiam minorum, 3. & 4. nempe 1. Secundaria, quæ secundariò interdum attenditur. Et statuitur quibusdam 1. Directa, cum primus cum secundo, tertius cum quarto directè comparatur. Ut, sicut 3. ad 6. Sic 12. ad 24. 2. Permutata, cum primus cum tertio, secundus cum quarto permutatur. Ut, sicut 6. ad 18. ita 12. ad 36. se habent, in proportionem nempe triplâ utrumq; 6. enim ter in 18. & 12. ter in 36. continetur.

10. Adeandem rationem per analogiam extendendo voces proportio Ethica potest dici actuum moralium certa inter se comparatio, ad æquitatem conformata. Estq; etiam vel Arithmetica, in quâ attenditur equalitas rerum commutandarum ex se & suâ mensurâ ac pretio, non attentâ contrahentium dignitate aut merito. Hanc in just: commutativâ servari dicunt, ubi v. g. vinitor cum agricolâ frumentum permutare vult. Modius frumenti 1. fl. venditur, vas vini 8. fl. Redigendo ad equalitatem simpliciter proportio valoris rerum attendenda, ut res permutata fiat pretio tanta, quantum valet permutanda, nullo habito respectu personarum,

quæ, vel quales illa sint. Ita pro vase vini & modij frumenti
 dandi: ita equaliter servari est proportio, ut gentri a. damnum
 majus aut lucrum apportetur, sed valore pretij tantum agri-
 cola accipiat, quantum vinitori commutavit: Vel Geome-
 trica, in quâ per se ratio personarum quantum ad meritum,
 & rerum distribuendarum, quantum ad pretium, attenditur.
 Ut enim in Arithmetica proportio Geometrica non nudam di-
 stantiam numerorum, sed rationem proportionalis continen-
 tia attendit: Sic in Ethicis hæc non nudas res, sed rerum pre-
 tia personarum meritis moraliter per se lebet adæquare.
 Hanc in distributivâ servari ajunt. Sic pr. da inter ducem,
 Capitaneum, & milites distribuenda. Dux se ut 12. Capita-
 neus ut 6. miles ut 3. habeat, ex præsupposito majore minoreq;
 labore & merito. Dux enim universa ordinat, disponit, præco-
 pit. Capitaneus suo signo eas intimat: Miles exequitur. Ergo
 equaliter vi justitia distribuendo Ethicè duci 1000. taleri, Ca-
 pitaneo 500. & militi 250. cedent in præmium, quia tantâ pro-
 portione morali merita eorum æstimantur. Hic qualis est ra-
 tio Ducis ad Capitaneum, nempe dupla, & Capitanei ad mili-
 tem, etiam dupla: Talis & erit distributio rerum, Duci, capi-
 taneo, & militi, distribuendarum. Ut ubi miles 100. taleros
 accipiat, Capitaneo 200. & Duci 400. assignentur. Harmo-
 nica proportio in moralibus etiam quibusdam commenda-
 tur, ut summè utilis & judiciofa, quæ temperamentum exa-
 ctum meritorum & premiorum servet, ut Bodino l. 6. d.
 Rep. c. 6. p. 1094. & in meth. hist. c. 6. Alstedio Polit. 2.
 c. 7. §. 4. Keckerm. d. 32. Curs. Philoso: q. 1. Timplero l.
 3. Ethic. c. 10. q. 11. aliisq;. Sed vix in hac certum & immo-
 tum formale constitui potest, quod distributionis sit norma &
 fundamentum: Sed ubi ad ultimum devenitur, arbitrio &
 prudentiæ judicis ac Majestatis omnia committuntur. Quod
 &

Et incertum & perniciosum est, ut Arniseus dif. d. prop. Arith. t. 2. loquitur. Cumq. omnis aequalitas, quam iustitia moralis observat, vel ex personarum merito & dignitate aestimetur, ut in distributione: vel rerum ipsarum aequalitate, ut commutatione, frustra ad tertiam ac mediam aequalitatem, quam harmonica proportio constituat, recurritur, quæ & nulla est inter illas duas: & si esset, in moralibus frustranea esset. In commutativâ iustitiâ prop. Arithmeticam, in distributivâ Geometricam servari ajunt, de quo in speciebus iustitiæ videndum.

II. Ex objecto dicitur iustitia medium servare in usurpatione rerum externarum, in quibus lucrum aut damnum locum habere potest. Objectum iustitiæ particularis vel potest esse internum, ut affectus concupiscendi lucri, aut damni alij inferendi: vel externum, ut res quævis externa, in quâ ratio lucri aut damni inveniri potest. Res hæc externa uno nomine appellari nequit, sed varias diversissimasquæ rerum species sub se comprehendit. Generaliter illa res externa omne contrahibile & distributivum dici potest. Sub contrahibili omnia illa objecta comprehendantur, quæ iustitiæ commutativæ subjici solent, quæ contractus dici solent: voce nimis strictâ, quandoquidem plura sub se comprehendit, quàm contractus, ut hereditates, acceptiones & dationes, &c. Sub distributivo illa, quæ tanquam publica in partes secundum portionem cuiq. debitam pro quantitate & proportionem summæ distribui debent, ut præmia & onera. Usurpationis rei externæ est ejus ad qualemcumq. nostrum usum applicatio. Potest etiam dici dispositio, dispensatio, usus, usitatio rei externæ, a. similiter. Illa usurpationis velut generalis conceptus est ad species, sub eâ quâ iustitiæ rationem comprehensas, quæ commutatio & distributio dici solent: Vnde postea iustitiæ

commutativa & distributiva dicitur. Unde & in generali justitiæ particularis definitione communiter in commutatione & distributione rerum externarum eam versari dicitur. Sed non sunt vocabula Specierum in definitionem generis actu & expresse ponenda, si omninò generaliores voces haberi queant. Sic malè definitur testimonium sententiam testis divinam vel humanam: Malè animal corpus vivum sensitivum rationale vel bestiale: malè virtutem habitum facilem & expeditam facientem operationem intellectualem vel moralem. Debent n. definitiones generum abstrahi à speciebus actu & expresse positis, & indifferenter ad illas se habere, ut postea illis assignari queant. Sic hic in justitiâ melius dicitur versari eam in usurpatione rerum externarum, qua deinde vel in commutationem, vel distributionem dividi, tanquam species, potest: quàm actu nominando species usurpationis, & in commutatione ac distributione rerum externarum versari dicere. Ita rectè Strevesdorf d. just. & jur. q. 61. a. 3. commutationem & distributionem usus exteriorum, vel rerum, vel personarum, vel operum ait esse.

12. Dicitur porrò objectum externum justitiæ esse res externa, in quâ lucrum a. damnum locum habere possit. Hoc est formale in re externâ, cujus ratione soli justitiæ particulari tanquam objectum subternitur, nulli aliæ virtuti. Res externa variis virtutibus pro objecto esse potest. Ita Temperantia circa cibos, potus, & Veneris usum versatur: Liberalitas circa opes & pecunias: Modestia circa honores: fortitudo circa res terribiles, &c. Sed nulla sub illâ ratione circa eas versatur, quatenus lucri vel damni ratio in illis locum habet, ne aut plus lucri, quàm par est, ad alterum deveniat, aut plus damni ad alterum: sed equalis proportio inter utrumq; ita servetur, ut jus & æquum postulat, præterquam

quam sola hac virtus, *justitia particularis*. Vox damni & lucri hic non sumenda rigidè, prout in contractibus spontaneis, quos homines subeunt, locum habent, ut emptione, venditione, locatione, oppignoratione: Sed analogicè & ampliativè, ut & ijs competat, quæ invitis hominibus fiunt, in quibus lucrum rigidum aliàs non conceditur. Lucrum hic generaliter notat plus boni & commodi, minus mali, quod ad alterum redundat: Damnum plus mali, incommodi, mirus boni, quod ad alterum. Vi Petrus percussit Johannem: lucrum & commodum est penes Petrum percutientem, damnum & incommodum penes Johannem percussum. Judex ad aequalitatem istum percutiendi actum reducet ex justitiâ, ut tantum damni vicissim redundet ad percutientem Petrum, quantum inferre destinavit percusso Johanni.

13. Ita explicata definitio *justitiæ particularis*. Apud JCros communiter constans & perpetua voluntas definitur, *jus suum unicuique tribuendi*, ex §. 1. Instit. l. 1. & l. 10. ff. d. ju. & ju. Nam universalem justitiâ hic intelligi non posse d. 4. t. 9. dictum est. Sed nec genus nec differentia hujus definitionis satis quadrant. Non genus, quod est voluntas, quia tropicum hoc, metaphoricum, & metonymicum est, qualia genera in definitionibus non ferenda, si propria suppetant, per 4. Top. c. 3. & 6. Top. c. 2. Sic malè Plato Philosophiam meditationem mortis definiuit. Nil prodest, excipere, voluntatem pro voluntatis habitu inclinante sumi. Hoc ipsum enim vitiosum est in definitionibus, voces iralatiivè sumere, ubi propria suppetant: Vel dici voluntatem constantem & perpetuam, non simpliciter voluntatem. Hoc enim etiam indecorum est. *Justitia* enim propriè & sine tropo loquendo, non est voluntas ullo modo, & sic nec constans, nec perpetua voluntas: sed voluntatis constantia vel habitus constans. Deinde tò constans

in habitu redundat, si voluntas pro voluntatis habitu sumatur, habitus enim est firma & constans qualitas faciliens operationem. Et sic hoc modo explicata definitio $\pi\lambda\epsilon\upsilon\epsilon\zeta\iota\alpha$ laborabit: Vel, diuturno usu obscuritatem vocis voluntas, pro habitu voluntatis, expirasse, ut velut sit propriam significatum vocis factum. Emolliantur enim tropica diuturno usu, & velut in priorum civitatem asseruntur. Nam & hac impertinentia. Emolliatur obscuritas vocis tropica longo usu: non tamen inde pro genere in accuratâ rerum definitione usurpanda, si propria adsit, quam usurpare possis, quod hic omnino est. Abuti enim hoc est patientiâ Philosophorum, Tropica pro propriis, quæ sufficienter adsunt, substituere. Posset in usu loquendi utcumq; ferri, voluntatem dicere pro voluntatis habitu: sed in accuratâ veri definitione ferri non debet. Dubitari etiam potest, an apud accuratos Philosophos, quorum hæc doctrina est propria, voluntas usurpata occurrat pro voluntatis habitu: quidquid de Ictis sit, de quibus illud Rami in anim. Aristot. p. 121. usurpâro: Cæsar hominibus civitatem dare potest, verbis non potest. Et illud Terulliani: Fides nominum salus proprietatum. Non differentia quadrat: Ex mente enim Ictorum iustitia hic definita tria juris præcepta complecti debet, quæ postea subungere solent, H. V. N. L. & S. C. T. Sed hic tantum una istius particula ponitur, suum cuiq; tribuere, cætera membra omittuntur, quæ tamen etiam ad totale objectum iustitiæ pertinent. Et sic differentia est partialis, cum debeat esse in legitimâ definitione adæquata & totalis. Nam jus suum alteri tribuere etiam de illo affirmare, qui absolute honestè pro se vivit, non nisi alienissime fieri d. 4. t. 9. dictum. Ita effectum iustitiæ, jus, longè latius fusu erit, & tria juris præcepta complectetur, cum Causa juris, iustitiæ, tantum unam complectatur, Quod in-

conueniens. *Nic satisfaciunt Dom. Soto responsiones, quas*
l. 3. d. iust. & i. q. 2. a. 7. reponit, & probat Hornej. 3. Eth.
c. 11. n. 14. Omnino n. differentia adequata ab actu completo
formaliter est sumenda, ubi per voces licet, non partiali.
Hic a. per voces licere ex dictis palam est. Ita si iustitia illa, quæ
ad 3. juris præcepti fusa sit, hic definienda sit, habitus definie-
tur honestè vivendi & cuiq; suum tribuendi. Conf. Amesium
l. 5. d. Conf. c. 2. q. 1.

14. Ita definitio iust: particularis, ex eâ Objectum &
 proportio: Sequitur divisio. Ex speciebus iust. part: vel est
 distributiva vel commutativa. *Queritur, An proba hæc*
divisio, & qualis? An generis in species, an rei in modos exi-
stendi? Probam negat Sculterus l. 1. Eth. c. 23. Quod iusti-
tia longè latius fundatur distributione & commutatione, ac
veracitatem, gratitudinem, innocentiam, etiam comprehen-
dat. Et distributiva non sit species iustitiæ particularis, sed i-
pso tota iustitia, Cum suum cuiq; tribuere & rectè distribuere
idem sit: Et neutra proportio iustitiæ, veracitati, gratitudini,
& innocentia applicari queat. Hac rectè confutat Timplerus
3. Eth. c. 10. q. 9. 13. Breuiter notetur 1. Iustitia latè sumpta
omnem Virtutem comprehendit, V. d. 4. t. 3. Sed hic pressius
sumitur, ut circa bona externa in quib. lucri aut damni ratio, tã-
tum occupatur. V. t. 3. Ita veracitatem, innocentiam, excludit.
2. Innocentia omnium virtutum generale adjunctum & effe-
ctum est, idem ac probitas vel honestas morum. V. d. 3. t. 19.
non peculiaris Virtus moralis. 3. Veracitas peculiare objectũ
morale & versandi modum à iustitiâ part: habet, & sic conse-
quenter distincta ab illâ virtus, non sub eâ comprehensa. V. d.
7. t. 20. Gratiitudo ad iust. remunerantem pertinet, vel ut
species, si publica sit: vel ut analogon quid, si privata, cum quis
benefacti memor cum studio referendi est, quomodo huc cam

referunt Eth. Mauric. 1. 2. c. 28. & Timplerus. 1. l. *Vel gratitudo & observantia non virtutes, sed virtutum actus sunt: vel iustitiæ, quâ debetur superiori a. equali. vel liberalitatis, quâ beneficij ratio habetur. Non hic nudus affectus a. habitus sufficit, à quo nemo gratus a. observans dicitur: Sed actum unâ cum affectu concurrere oportet, ut compleatur gratitudo & observantia. Quæ a. actus sunt, inter peculiares virtutes non sunt numeranda. Qui affectu tantum gratus est, non ex virtute, sed dispositione aliquâ & semivirtute talis dicitur, quæ in semivirtutibus referri possit. Alij observantiam & gratitudinem ad partes Iustitiæ potentiales referunt. Vt Conimb. d. 9. Eth. q. 1. a. 4. & Ja. Martin. C. 9. d. 4. q. 9. alijs. Sed hic multa adiutoria intercurrunt: quedam virtutes Theologicæ sunt, non morales: quedam actus, non habitus: quedam usus fructusq. virtutum sunt, ut amicitia, non Virtutes. V. c. 26.*

15. Buridanus in 5. Eth. q. 7. in modos iustitiæ part: ita dividi censuit, q. Just. part: sit species infima, & distributivum ac commutativum velut diversi modi redigendi res ad æqualitatem sint. Sed in species esse patet 1. Ratione. Virtutes diversis objectis formalibus, actibus, subjectis & proportionibus distinctæ sub uno generali conceptu, plus quam modis distinguuntur, adeoq. sunt diversæ species sub uno genere contentæ. Habitus n. ex objectis, actibus, & proportionibus distinguuntur. Sic liberalitas & iustitiæ cisi circa divitias versentur, quia tamen diverso formali versantur, distinctæ virtutum species sunt. Sed distr: & comm: ita differunt. Objectis formalibus, illius res externa publica & publicè distribuenda: hujus privata & privatim commutanda: Illius est debitum non antea in dominio possidentis detentum, & sic tributum; sed ex iustitiâ ex publico attribuendum: hujus debitum pro-

proprium & usu possidentis receptum, postea ad alterius jus vi
 iustitiae translatum: Vt cum meas pecunias pro mercibus in do-
 minium alterius, cum quo commuto, transfero. Actibus, illa
 distribuit communia, hac commutat propria. Distribuire &
 commutare sunt diversi actus. Subjectis, illa publicis perso-
 nis, in quantum publicae & membra communitalis sunt, competit:
 hac privatis, ut privatae sunt. t. 6. 18. Illa est q. totius ad par-
 tes, hac partium ad partes inter se est. Proportionibus, illa
 Geometricam, hac Arithmeticam in agendo attendit. t. 10.
 Generalis conceptus est unus, Iust. particularis, Cujus definitio
 utriq. species subjecta competit, V. t. 6. E. & hac divisio est in
 veras species, non modos agendi tantum. 2. Authoritate Ari-
 stotelis, qui 5. Nicom. c. 7. Distributivam iusti speciem vo-
 cat, & commutativam diversam à priore speciem habere di-
 cit. L. 4. Eudem. c. 2. distrib. Unum juris genus, Commu-
 alterum vocat. In Graeco est vox ἀδίκον, & posteriorem ἀδίκον
 ἀδίκον τὸ πρὸς τὸν κατὰ φύσιν κατὰ φύσιν vocat. Rationes in oppositum, quae divisio-
 ni in species obvertantur, ap. Timplerum 3. Ech. c. 10. q.
 9. Strevesdorf. d. ju. & jur. q. 61. a. 4. vide. Non dicuntur
 hic diversae species tam rigide, ut in uno subjecto nequeant
 concurrere: quomodo leonem, bovem, asinum, diversas species
 animalis bruti vocamus: aut nunquam in uno actu certā ra-
 tione concurrere possint. Sic n. actus aliquis & distributiva
 certo modo esse potest, & commutativa. Cum v. g. beneficium
 a. stipendium à praeside inter pauperes studiosos dividitur pro
 cuiusq. inopiā, est & actus distributivae, quia beneficium
 velut publicum premium est, & studiosi velut publica Socie-
 tatis vel collegij membra sunt, & proportio distribuendi Geo-
 metrica pro cuiusvis inopiā servatur, ut plus egenti plus distri-
 buatur, minus egenti minus detur: & Commutativae, quia
 vi iustitiae strictē obligatur praeses singulis summam praecise a-

qualem juri suo, quod ad accipiendum habent, erogare: Ita ut si major alicujus sit inopia, & non plus altero minus egente accipiat, jus habeat plus poscendi à præsede: Et præsides commutationem violavit, quia minus pretium donat, quàm jus, quod ex inopiâ ad doni quantitatem habet inops, postulavit: velut in commutatione mercium, si non æquale valori rerum tuarum pretium acceperis, jus habes poscendi majus pretium ab emptore, quia valor tua rei majus pretium vi justitiæ requisivit. Sed laxiore modo hic diversæ species virtutum dicuntur, quia objecta formalia & modos versandi diversos habent.

16. Distributiva est just. particularis, æqualitatem proportionis Geometricæ moralis in distributione rerum externarum publicarum inter partes, quæ publicæ sunt, servare faciens. Ex genere dicitur just. particularis. Hec ex t. 6. seq. patet. Quomodo in complexis terminis simplicem terminum pro genere reassumere solemus. Vt Syllogismus modalis est syllogismus. Terminus complexus est terminus Logicus. Virtus moralis est virtus, &c. Ex differentiâ dicitur æqualitatem proportionis Geometricæ moralis in distributione rerum externarum publicarum inter partes, quæ publicæ sunt, servare faciens. Ex objecto & modo versandi hæc sunt desumpta. Ex modo versandi æqualitatem proportionis Geometricæ moralis servare faciens dicitur. Aequalitas & proportio Geometrica ex t. 9. 12. patent. Servare facere ex d. 5. t. 6. Distributiva proportionem Geometricam moralem servat, i. e. servat æqualitatem rerum ad personas per se, respiciendo earum statum, merita, dignitatem, utilitatem, & omnino id, ex quo majus minusve rei meritum ac pretium aestimari potest. Objectum enim distributivum, quod à just. distr. distribuendum est, premium vel pœna, debetur membris ratione totius, ejus sunt membra: unde & tribuendum secundum eam pro-

proportionem, quam habent ad totum s. *Republ.* & *communitatem*, Cujus membra sunt: quæ proportio est *Geometrica*. Ut enim persona & meritum unius Civis ad personam & meritum alterius civis: Ita & premium vel onus unius ad premium & onus alterius civis proportionatè se habere debet. Ergo cum cives dissimilis status, conditionis, meriti, facultatis, sint, etiam pro istâ ratione diversâ, premia & onera illorum diversa esse debent. Ita majus premium a. onus ferat in *Republ.* qui major pars *Repub.* est, minus, qui minor. Sic cujus civis meritum ratione considerationis omnium circumstantiarum moralium duplo majus est merito alterius civis, ejus premium etiam sit duplum præ hujus, & si huic 100. Imp. cedant, illi 200. tribuantur. Ita ubi contributione levanda *Respublica*, majus onus tribuendi addices ei, qui se habet ut 10. quàm illi, qui ut 4. Ut si hic 4. Imperial. solvat, alter 10. in horum vicem pendat, & sic consequenter. Conf. t. 10. Fundamentum diversitatis inter cives varium esse potest. Apud quosdam nobilitas prærogativam habet: apud alios libertas: nonnullos opulentia & divitiæ, alios merita, virtutes, dignitates, vel alia in pretium attollunt, prout status *Reipubl.* fuerit, de quo *Arist.* 5. *Nicom.* c. 6. *Bodinum* 6. d. *Rep.* c. 6. vide. Proportio *Geometrica* manet eadem, cum personarum dignitas & meritum spectantur: etsi fundamentum istius proportionis variare possit. *Bodinus* c. 1. omne *Geometricum* ad regium & aristocraticum statum pertinere ait: omne *arithmeticum* ad democraticum. Hoc falsum esse ipsa distribuendi ratio, quæ in omni statu *Reip.* servari potest, docebit, ubi *Geometrica* ratio tam in democratiâ, quàm *Monarchiâ* a. *Aristocratiâ* locum invenire potest. V. *Hornejus* 3. *Eth.* c. 12. n. 8. 9. *Piccolom.* gr. 10. c. 10.

17. *Objectum iust. distributiva est vel circa quod, vel cui distribuitur. Circa quod distributio versatur, dicitur res externa publica. Res externa, qua iustitia objicitur, hic dicitur, quæ extra naturam subjecti est, quod iustitiam administrat. Hæc vel publica esse potest, quæ de communi totius Reipubl. bona a. malo inter cives, ut partes Reipubl. sunt, distribuitur: vel privata, quæ de privato bono inter cives, ut privatos exercetur, ut in contractibus, emptionibus, venditionibus, &c. Distributiva objectum est res publica & commune quid ad totam Rempubl. spectans, & inter cives, quatenus publica communitalis membra sunt, distribuendum. Est q̃ vel bonum & commodum, ut præmia, honores, beneficia publica, libertates, dignitates, privilegia, &c. vel malum & incommodum, ut onera publica, servitutes, contributiones, labores publici. Vnde cum præmium vel onus confertur publico nomine, & quatenus pars publica communitalis recipiens illud est, ex iustitiâ distributivâ conferri censetur. Sic si agri hostibus erepti, a. prada inter cives vel milites distribuatur, quia publicum quid est, & civibus ac militibus, ut publica civitatis a. exercitus membra sunt, distribuitur, ex iustitiâ distributivâ conferri dicitur. Sic cum onera publica publico nomine civibus, ut membra societatis sunt, inferuntur, ut Contributiones, munimenti extructiones, vectigalia, jugationes, aderationes, capitationes, &c. distributio est. Cum aliquid non ut publicum, sed ut privatum, nec ut ex publico reservato, sed privato, nec ut persona publica, sed ut privata confertur, non iustitiæ distributivæ censetur. Vt cum privata merces, beneficium, stipendium ob navatam operam confertur, ut Consiliario ob salubre consilium, militi ob strenuum factum, Civì ob proditorem revelatam, a. privatam industriam præmium datur. Sic cum pœna irrogatur alicui, non ut civi publico, sed ut privato delin-*

delinquenti irrogatur, adeoque commutatio est, non distributio. Non enim eo nomine vel respectu inferitur, quatenus membrum civitatis est: sed quia delinquens est. Inflictio pœne, executio justitiæ, & vindicatio injuriæ, ad Rempubl. & publicam potestatem pertinent: sed persona ledens, non ut publica, sed ut privatim delinquens hic spectatur, itaque non est vera distributio, sed commutatio. Sic cum civis contrahit cum cive, emendo, vendendo, usucapiendo, &c. est commutatio, non n. hic ut publica membra, sed ut cives privati spectantur. Objectum cui distribuitur, dicitur aliàs subjectum, & est pars publica, quatenus talis, i.e. quatenus prætise publico nomine, ob publicum finem & utilitatem, & pars publica societatis est, aliquid ei confertur vel imponitur. Sic cum onera civibus, quæ tales sunt, imponuntur ob communem Reip. salutem, quæ illis procuratur, ex distributione fieri censetur. Hæc ex antedictis uberius patent. Conf. de hac justitiâ Agricola l.i. Symb. Pythagor. c. 21.

18. Justitia commutativa est justitia particularis, æqualitatem proportionis Arithmeticæ moralis in commutatione rerum externarum privatarum, & privato nomine debitarum, inter personas privatas servare faciens.

19. Ex objecto dicitur versari in commutatione rerum externarum privatarum. Objectum commutativæ justitiæ uno adæquato & satis generali vocabulo exprimi vix potest, ut t. II. notatum. Aristoteles οὐδὲν ἄλλο τι vocat, quod reddiderunt contractum. Hæc vox in voluntariis commutationibus usurpatur. Sed justitiæ commutativæ etiam involuntariæ obligationes obijciuntur, ut tenearis v. gr. solvere promissum, reddere debitum vi justitiæ, ut maximè nolis. Adeò ergo laxè sumatur vox contractus, ut & obligationes ex delictis, & ex q.

delictis, & voluntariis & invitis comprehendat. Quomodo in ipso jure l. omnem ff. d. judic. vocem contractus extendi notat Hornejus 3. Eth. c. 13. n. 2. Ita commutationes vel contractus sunt varij, quidam voluntarij, cum utringq. animus commutandi adest, ut emptio, venditio, locatio, conductio, commodatum, mutuum, usus, fructus, &c. quidam inviti, cum ab unâ parte voluntas non adest, ut in furto. Hi vel lædunt aliquem in re, ut furtum, & rapina; vel personâ, idq. vel ratione incolumitatis, vel dignitatis, vel in supposito proprio, vel alieno & conjuncto, prout latius hac persequitur Hornej. c. 1. n. 3. Dicitur res externa privata, i. e. quæ tanquam privata ab aliquo possidetur, & in quam jus nomine non publico habetur. In distributivâ erat aliquid commune & publicum inter membra, ut publica, distribuendum: Hic est aliquid non publicum, inter membra tanquam privata commutandum, quatenus illud sit, quod uno generali nomine vix est exprimendum. Ex subjecto dicitur inter personas privatas æqualitatem servare. Privati sunt, qui sub conditione privatorum æstimantur. Possuntq. hicesse vel qualibet partes Reip. inter se, ut Cives vel unus Reipubl. vel diversarum, ut homines privati inter se: vel ipsa Respublica privato nomine spectata cum alio contractum instituens. Sic si Respub. à privato aliquid emit, a. illi clocet, vendat, usum fructum concedat, aut ministris suis vel militibus in bellum conductis stipendia pro operibus privatis eroget, just. commutativæ actus sunt.

20. Ex modo versandi dicitur æqualitatem proportionis Arithmetice moralis servare. Proportio Arithmetica ex t. 10. patet. In illâ attenditur res & res simpliciter, non persona a. meritum contrahentis. Sic si pro re 10. aureos promiseris, teneris ex promisso reddere, licet tantum pretium ipsius rei absolute non sit. Sic in contractu societatis res res adæquatur,

sur, i.e. proportio lucri proportioni sortis s. pecunie ad sortem collate, insuper habitâ dignitate a. merito conferentis. Esse in hac iustitiâ talem proportionem observandam patet. 1. Quia iustitia requirit, ut tantum lucri reportes, quantum proportionatè posuisti. Et tantum pretium sumas, quantum proportionatè res ipsa a. promissum requirit, citra dignitatem a. meritum tuum. Hoc n. in commutationibus spectatur, ut tantum alter recipiat lucri aut incommodi simpliciter & citra alium respectum, quantum ab altero in illum profectum est. Sic qui ades vendit, tantum pretij ab emptore expectat, quanto domus aut per se, a. per contractum compensari potest, non quantum præstantia aut meritum emptoris postulare queant. Sed ubi talis æqualitas spectatur, ibi Arithmetica proportio servatur, per th. 10. 2. Quia opposita æqualitati hujus iustitiæ, inæqualitas, primò & per se ex ipso facto æstimatur, non merito aut æstimatione inferentis injuriam, nisi morale discrimen inferatur, de quo t. 23. Sic injuriam infert probus, si alium defraudat, perinde ac improbus, non æstimatâ conditione personæ, quòd aliàs sit proba. Ergò & opposita æqualitas iustitiæ hujus primò ex ipso facto spectanda, i.e. proportionem Arithmeticâ.

21. De pœnis infligendis & scelerum vindicationibus specialiter hic duo quaruntur. 1. Quâ proportionem infligendæ, an Arithmeticâ, an Geometricâ, an mediâ & harmonicâ? Adcoq; an just: commutativæ sit, pœnas irrogare, an distributivæ? Communiter Geometrica proportionis esse dicitur, & just: distributivæ asseritur, quæ præmia & pœnas meritis distribuat. Ita quidam ex Ethicis, Ut Conimbr. d. 9. Eth. q. 1. a. 2. D. J. Mart. C. 9. d. 3. q. 9. Raconis s. 3. Eth. q. 2. a. 3. m. 2. Golius Eth. l. 5. c. 5. Magirus l. 5. Eth. c. 4. 5. Heilandus lib. 5. Eth. c. 3. Ch. Mathias l. 3. Eth. ex. 9. t. 27. 28. Eustach.

Eustach. S. Pauli p. 3. Eth. tr. 3. d. 2. l. 2. q. 5. Alsted. Eth. 3. c. 14. §. 10. Timpler. l. 3. Eth. c. 10. n. 12. & qu. 11. Rigerus lib. 2. Eth. c. 25. Casus l. 5. sp. mor. c. 2. Snellius p. 48. Eth. Hakelmannus & Alex. Piccolomin. ap. Arnisaum lib. 1. Pol. c. 17. §. 10. *alijq.* Quidam ex Jctis. Ut Wesenbec. in parat. ff. d. just. & ju. n. 11. Mynsingerus instit. §. d. ju. & j. Ehemius lib. 5. d. prin. jur. c. 2. Alii *commutativa justitia eam asserunt, & proportionem Arithmeticam infligendas censent. Ut* Averroes, Thomas, Cajetanus, Acciaolus, Soto ap. Hornejum l. 3. Eth. c. 13. n. 9. Hornejus c. l. Dn. Melanch. epit. Eth. p. 91. D. Gerhard. d. Mag. Pol. §. 312. Arnisaus l. 1. Polit. c. 17. §. 10. & pecul. disp. d. prop. Arithmeticam in pænis. Goclenius q. 42. Eth. *Est quæ ipsius Aristotelis §. Nicom. c. 7. Vbi contractus vel commutationes tam voluntarias, quam invitæ, just. commutanti adscribit. Invitorum autem emendatio nil aliud, quam pænarum irrogatio est. Alii harmonicam proportionem hic commendant, de quibus t. 10. Alii mediæ cuiusdam inter distrib. & commut. justitiæ pænarum irrogationes tribuunt, quæ correctiva dicatur, ut Amesijs vocat, l. 5. d. confc. c. 2. q. 5. & l. 2. medul. c. 16. n. 70. vel just. propria, ut Scultetus l. 1. Eth. c. 33. Alii $\epsilon\pi\omicron\chi\eta$ hic eligunt, & neutri sententiæ calculum addunt, ut Gurkius d. 12. Eth. q. 1. Alii inter delicta publica & privata distinguunt. Illa ad Geometricam proportionem & just. distributivam referenda, hæc ad utramq. Ita Walæus p. 3. Eth. p. 230. 231. sic David ignominiam legatorum publico bello est ultus. 2. Sam. 10. Quæ pæna publica ad publicam justitiæ pertineat, qualis distributiva.*

22. In hoc quæsto, intricato alias, ut ritè procedatur, sequentia advertantur. 1. Aliud est, quidnam vi justitiæ præcise in se & sui naturâ spectata sit agendū, & quomodo delicta
simpli-

simpliciter iustā pœnā sint afficienda, sine ullo habito respectu: aliud, quid per iustitiam æquitate temperatam fieri possit, quā mitigatur a. remittitur pœna ob certas circumstantias morales, quæ prudenter mitigationem pœnæ, ut publicè utilem aut necessariam, suadent & requirunt. Vbi vel necessitati cedendum: vel publicæ utilitati consulendum: vel peculiari clementiæ aliquid dandum. Sic David Joabum homicidam non statim occidi mandabat, quia publicè utilis, necessarius, ac apud populum gratiosus erat, 2. Sam. 3. 20. Et Simeï maledicenti ignoscebat, quia reditum suum in regnum potius beneficio quàm supplicio illustrari utilius censebat, & Simeï inter primos Regis officiosos se exhibuerat. 2. Sam. 19. v. 19. 20. 2. Di. stingvendum inter respectum personæ physicum & per se, quo personæ dignitas primò & ex sui naturâ tantum æstimatur: & Relativum s. moralem, quo per aliud ex personæ dignitate aut conditione circumstantia aliqua moralis colligitur, aggravans debiti quantitatem moralem, vel imminuens, Et sic etiam quantitatem pœnæ moralem varians. Prior in pœnis vitiōsus est, lege Dei prohibitus. Lev. 19. v. 15. & Aristoteli rejectus, 5. Nicom. c. 7. Posterior admitti potest, & facit discrimen delictorum morale, adeoq. inæqualia peccata, & sic etiam inæqualibus pœnis afficienda. Notat n. hic vox personæ non Metaphysicè suppositum intellectualis naturæ tantum: sed conditionem vel qualitatem personæ ob causam consideratæ, i. e. conditionem factum vel exaggerantem vel minuentem. Sic servus, eò quod servus, gravius peccat in herum, quàm alienum: filius gravius in patrem, quàm affinem a. ignotum: subditus in proprium magistratum, quàm exoticum. Illis n. major debetur reverentia, quàm alienis, & sic etiam majore pœnâ talia delicta coercenda. Sic gravius peccat Consiliarius, si principem prodatur, quàm si extraneus id facit, quia magis prin-

cipi obstrictus; gravius persona publica & eminens, quam privata & vilis, quia exemplo & scandalo plus nocet. Sic eadem pœna Physicè potest esse diversa Ethicè & morali consideratione, pro circumstantiâ personæ, cui infligitur, cui longè majus damnum ex eâ irrogatur, quàm delictum promeritum est. Sic si monoculus oculum alteri eruerit, & talione vicissim oculo privandus sit, longè gravius incommodum ei incutitur, si prorsus excæcetur, quàm alteri binoculo, si unus oculus ei eruat. Hic circumstantia personæ pœna identitatem Physicam auferet, & Ethicam s. moralem inducet, quæ ex aquali damno ac incommodo incusso pensanda. Idem valet de unâ aure, manu, pede, prädito, qui non eadem talione physicè cum binaure, bimano, bipede, puniendus, quia inaequale & longè gravius damnum illi emerget, quàm huic. Sic nequam delinquens fustigatur, virtuosus Senatu, civitate, statu, &c. movetur. Sic in l. capitalium, §. In servorum. ff. d. pœnis. Ex quib. causis liber fustibus cadiitur, ex his servus flagellis cadi & domino reddi jubetur: & ex quibus liber fustibus casus in opus publicum damnatur, ex his servus sub pœnâ vinculorum ad ejus temporis spatium flagellis casus domino reddi jubetur. Aequalis pœna Ethicè est, quia tantum damni remotione huic inferitur, quantum fustigatione illi, etsi Physicè inaequalis. Distingvendum hic inter conditionem personæ, ut sic: & inter variationem delicti moralem, moraliter inde exsurgentem, & consequenter diversam pœnam moraliter loquendo requirentem.

23. 3. *Conditio personæ moralem circumstantiam inferre potest delictum aggravantem vel minucentem, quæ in infligendâ pœnâ adeò observanda, ut non observata injuriam inferat. Circumstantia morales quid in morali consideratione possint, d. 2. c. 14. dictum. Quæ hoc casu spectandæ, ita comprehendì possunt: Quantum, quale scelusq; ætasq;, scientia,*

tia, sexus, conditio, tempus, locus, ista modusq; tenen-
 tur. *Inprimis hic attendenda proæresis & intentio, itera-
 tio, & objectum, in quod peccatum est. Qui proæreticè & ex
 malâ intentione peccat, moraliter longè gravius peccat, ac quî
 imprudenter, iudice ipsâ Scripturâ, Luc. 12. v. 47. Qui vo-
 luntatem Domini scit, & non facit, multum vapulabit. Sic
 voluntarius homicida etiam ab altari abstrahendus de lege
 DEI erat. Exod. 21. v. 14. Deut. 19. v. 11. 12. Sic delicta à
 nobili vel virtuoso commissa interdum gravius punienda,
 quàm à vili aut obscuro, quia in illo major scientia iniqui, ma-
 jor ingratitude non agnoscens bona DEI, majus scandalum
 publicum & exemplum præsumitur, quàm in hoc. Sic delictum
 sapius iteratum gravius punitur semel commisso, quia major
 proæresis præsumitur. V. d. 2. c. 14. Contrà, ubi non proæresis
 & intentio præsumitur, sed imprudentia & humana infir-
 mitas, vel validior animi perturbatio, mitius punitur nobilis
 virtuosus vili & vitioso, quia ille pro solito more plus delictum
 cavisse, hic minùs pro more id egisse præsumitur. Sic lex divi-
 na casuali homicidio asylum constituit. Exod. 21. v. 13. Deut. 19.
 v. 5. quæ proæretico negat. Et herum occidentem servum à
 pœnâ capitali eximit, Exod. 20. v. 21. & oculum a membrum
 ei corrumpentem à talione Physicâ liberat, v. 26. 27. Cum a-
 lios inde non excipiat. Et hic valet: Duo cum faciunt idem
 (Physicum) non est idem, (Ethicum & morale,) quia non
 fit ex causis & circumstantiis iisdem. 4. Pœnæ quantitas
 & identitas in moralibus non æstimanda est ex identitate sup-
 plicii Physicâ, sed incommoditate Ethicâ, cum nempe tantum
 damni puniendo inferitur reo, quantum injustè agendo inferre
 voluit insoniti, dicitur moraliter equali pœnâ affici. Sic no-
 bili tantum damni inferitur relegatione, quantum servo fusti-
 gatione, unde equalis pœna dicitur moraliter, etsi sit inequalis*

naturaliter. Hoc ex membro 2. amplius patet. Moralia enim moraliter sunt spectanda, non naturaliter, transcendentem, aut Arithmeticè. 5. Omnis gradatio pœnarum & delictorum non evertit proportionem Arithmeticam, ut cum furtum restitutione ablati, homicidium ademptione capitis punitur: sed ea tantum, quæ aequalibus delictis Ethicè, inæquales pœnæ irrogantur Ethicè. Sunt a. inæqualia peccata furtum & homicidium, & Physicè & Ethicè. Sic qui duplam sortem posuit in contractu, duplum lucrum aufert, nec tollitur per id proportio: Arithmetica, quia inæquales res sunt, in quibus contrahitur.

24. 6. *Æqualia peccata Ethicè & moraliter, i.e. secundum omnes circumstantias morales spectata, non Physicè, sunt aequaliter pœnis Ethicè & moraliter ratione damni, quod inferur, spectatæ, non Physicè & ratione identitatis naturalis pœnæ puniendæ. In hoc decisio totius quasi & ipsa moralis proportio Arithmetica pœnarum ad peccata consistit, ut gravitas pœnæ moralis præcisè respondeat gravitati delicti moraliter spectati, citra περισπωμένην a. respectum ullum personæ, qui non inæqualitatem delicti moralem inferat. Et hoc patet 1. Scripturâ, prosopolepsiam in iudicando vetante. Lev. 19. v. 15. Deut. 1. v. 17. Respicitur a. persona, cum conditio personæ ad causam nil faciens attenditur. Hic justus iudex respiciet faciem causæ, non personam sine causâ. 2. Ratione. 1. Justicia commutativa inæqualia commissæ ad aequalitatem rerum redigere debet, per t. 19. Vt si duplum ad sortem locaveris pro alio, & duplum ex lucro sentire debeas. At in iudicijs & pœnis eadem aequalitas intenditur. Eò n. iudicis auxilium imploratur, ut quod delicto damnum illatum est, æquali pœnâ in damno inferendo sarcitur, & sic inæqualitas rerum ad aequalitatem moralem simpliciter redigatur. Si secus fiat, & iudex personam respiciat, non tollet inæqualitatem*

rerum, sed etiam intendet, dum jus suum laeso denegatur: & bilem hominum interdum concitabit. Sic Mediolanenses patritium quendam carceris squalore necârunt, quod cades nobilibus patratas pecuniâ expiari vellet. Bodin. l. 6. de Rep. c. 6. 2. Si pœna Geometricâ proportionem infligenda essent, E. quo major status & meritum delinquentis esset, eò atrocius puniendus esset. Hoc enim proportio Geometrica requirit, t. 10. & propriè strictèq; distribui dicerentur. At prius illi ipsi invertant, & nobilem mitius puniunt ignobili, liberum servo, patritium plebejo: posterius contra loquendi modum est, non n. pœna propriè distribui dicuntur, quod in illis, quæ publica, & inter plures dividenda, V. t. 16. sed irrogari & inferri. Quis n. dicit, supplicia hæc a. illa Reip. & communitatis totius esse, & civibus tanquam de publico depromi, & ita inter eos dividî, ut singuli eorum partem auferant, quomodo honores, pecuniæ, agri, ita dividuntur? E. non Geom. proport. infligi possunt. 3. Authoritate Aristotelis & aliorum, qui ab hac sententia stant, de quibus. t. 20. dictum. 7. Talio in just. commutativâ admitti potest, non physica, & Pythagorica, quæ & scelera sceleribus compensat: sed Ethica & proportionalis, quæ damnum & incommodum æquale respicit, non identitatem pœnæ specificam. Sic monoculus alteri oculum eruens fustigatione rationem sentiet, non oculi extinctione & totali excœcatione, quia damnum hoc moraliter gravius esset illo, quod binoculo extinctione unius oculi intulisset. Sic si magistratus subditum percusserit, non repercutietur, sed aliâ pœnæ specie par illi damnum inferetur, ac percusso inferre voluit. Si subditus Magistratum percussit, non solum iurum mulcabitur, sed & capite fortassis plectetur, & ita rationem sentiet. Conf. Hornei. c. l. n. 24. 25. 8. Delictum publicum aut dicitur, quod à publicâ personâ commissum sit,

aut quòd publicum damnum inferat. Vtroq; modo proportio Arithmetica, sed moralis, in pœnâ servanda, & ad commutationem pertinet. Vtut enim persona aut damnum publicum sit: pœna tamen non ex communi velut reservato inter singulos distribuitur, ut præmia, onera, in distributione: sed delinquentibus ut privatis irrogatur, & hætenus est commutatio, non distributio, ut antea patuit. Sic potest publicus Magistratus, Respubl. merces commutare, contrahere, non ut publici, sed ut privati. Non fit inde distributio, sed manet commutatio, t. 19. Plura & de oppositis in discursu.

25. Circa pœnas quaritur 2. An proportio moralis pœnæ & peccati maneat, si atrocib; delictis in N. Testam. capitalia infligantur supplicia, & vita privatione puniantur? Et si furibus capitale supplicium irrogetur? Quà primum: Ex antiquioribus Lactantius l. 6. diu. inst. c. 20. Ex recentioribus Photiniani, ut Ostorodus c. 28. inst. §. 2. 3. 4. Smalcus c. D. Frantz. d. 6. d. reb. ciu. f. 2. & d. 7. d. bon. op. t. 114. Stegmannus in probâ c. 11. p. 432. seq: Socinus c. Palæolog: p. 2. n. 13. §. 1. n. 26. §. 1. 2. & in lib. quòd Regni Polon. c. 3. f. 24. & Gratianus Prosper in instrum. doctrin. Aristotelico (qui Socinus esse putatur) p. 89. Vbi negat, iurâ Naturalis esse, homicidas capite plectendos: Quòd sic nullum individuum humanum reperiretur, quod non occideret homicidas: jura n. naturalia omnibus hominib. esse communia. Vbi miram perversionem esse rectè ostendis Junius p. 4. examinis libri istius §. 5. T. 2. Op. p. 298. Anabaptistæ in Colloq: Frankenth. Th. Mûntzerus in ep. ad Ern. Heldrung. alijsq; Weigeliani, ut Weigel. p. 2. post. p. 140. 141. in die Viridium p. 48. dom. 22. p. Trin. p. 330. 332. Arminiani, ut ex Geistero, Welsingio, Episcopio & Slatio ostendis Peltius harm. ar. 21. §. 2. fanatici & Merista

ad negantem inclinant. Quod sit contra regalem legem caritatis à Christo traditam, & naturā Novi fœderis, quod tempus gratiæ, nō ira, sit. Falsò omnes. Nam & in N. T. jus gladij conceditur Magistratui, quem non frustra gerere dicitur. Rom. 13. v. 4. Si non frustra, E. & in gladium meritor stringere eum licebit. Et dicitur vindex ad iram ei, qui malè agit. E. cum gladio legitimè utitur, DEO ministerium exhibet, & iram DEi justè ac Deo placenter exercet. E. id ei licitum erit. Nec de Magistratu gentili id loquitur Apostolus: Sed universim de omni. v. 1. 2. Ab exceptionibus adversantium locum hunc vindicatum vide ap. D. Gerhard. d. Mag. Pol. §. 299. Ex dissentientib. Stegmannus c. l. p. 43. concedit, DEum Magistratui gladium dedisse in pœnam facinorosum. Ex Anabaptistis Menno in fundam. p. 231. 233. jus gladij in facinorosos Magistratui largitur. In N. T. non aliam caritatis legem Christus tradidit, quàm in V. T. fuit, sed hanc reperiit, explicavit, & suo exemplo confirmavit. V. Exod. 23. v. 4. 5. Lev. 19. v. 18. Prov. 25. v. 21. Matt. 22. v. 39. Marc. 12. v. 31. Joh. 15. v. 12. 17. & alibi pluribus docebitur. Vt ergò in V. T. contra caritatem non erat, facinorosos capitaliter punire de lege divinâ, Gen. 9. v. 6. Ita nec in N. est. Et N. T. est tempus gratiæ, opponendo timori servili, quem sectatorib. justitia ex operibus rigor legis incutiebat, Rom. 8. v. 15. Gal. 5. v. 1. 2. 3. non capitalibus supplicijs fontibus à Magistratu justè incutiendis. Libertas Christiana à rigore & maledictione legis in N. T. esse debet: non licentia ab ordine & pœnâ. Secus & monetur Magistratus, tardè ad supplicia capitalia accedat. V. D. Gerh. c. l. §. 310. De justitiâ in judicij servandâ V. Marliani c. 2. th. Polit. De estimatione speciali rerum secundum just. commutativam, quomodo expedienda, & quo velut instrumento, uberius Hornejeum

nejum c. l. n. 26. 27. vide. Quà secundum, *furtum varium* esse potest. Inter quoddam & vitam hominis proportio esse potest, ut plagium, sacrilegium. Et si furia ita patrentur, ut aliter salva Respubl. esse nequeat, nisi è medio sublati furib. proportio moralis instituenda erit inter vitam furum & salutem. Reipubl. Vbi omninò moraliter constabit. Plura aliàs de hoc.

26. Ita divisio Iustitiæ fuit in species. Ex modis inferendi alia publica, alia privata dici potest. Publica, quæ in publicis actibus administratur, ut in iudicijs, foro, curiâ. De hac Marllian. c. l. vide. Privata, quæ in privatis transactionibus. Veraq; vel vindicans, vel remunerans esse potest. Ex statibus, in quibus administratur, vel togata, quæ in pace, vel bellica, quæ in bello ministratur, esse potest. Alii ultrâ voces ampliant, & commutativa ac distributiva rationem etiam in Deo cum hominibus agente, itemq; Angelis, reperiri dicunt, non per tropum, metaphoram, a. similitudinem: sed propriè ac formaliter, & velut in priore analogato. De hoc latè disceptantem vid. Svaretzium in opuscul. d. 6. s. l. Conf. & Crellium c. Grotium c. 2. p. 145. Hac iustitia propriè non moralis est, sed eminentioris & superioris conditionis, si secundum perfectionem aliquam formaliter in Deo reperitur, quod non dissimulat ipse Svaretz. c. l. n. 17. & ex ratione ac perfectione abstractæ substantiæ Deo tributa illustrat. Ac proinde ad Ethicam doctrinam nō pertinet, quæ de iustitiâ agit, quæ habitus & qualitas, ac accidens predicamentale est, quale in DEum non cadit. Agimus hic de actib. & virtutib. humanis, non divinis, non Angelicis. V. d. 2. t. 5. Alii & in divinam, quæ Deo sit debita, dividunt, ubi religionem, fidem, pietatem, caritatem, comprehendunt, & postea sacrificium, votum, iuramentum, addunt.

addunt, &c. & humanam, quæ homini, V. J. M. C. 9. d. 4. q. 9. Conimbr. d. 9. Eth. q. 1. a. 4. Lessium l. 2. d. J. & J. c. 46. d. 1. 2. seq: Sed divina alterius fori est: & pietas, religio, virtutes supramorales sunt. V. d. 9. t. 24. Effectum ejus est jus & justum. Vox juris d. 4. t. 10. discussa. Prout hic jus spectatur, dici potest præceptum in societate humanâ hominî à rectâ ratione præscriptum. Dicitur præceptum, quia præcipit agenda a. omittenda: & completitur tum actum rationis præcipientis: tum materiam s. rem jure præceptam, quæ justa dicitur ex qualitate à jure seu jussu rationis assumptâ. Materia nempe & res jussu vel præcepto rationis contenta dicitur justa. Homini præscriptum, quia juris, de quo hic agitur, subjectum est homo, non angelus, cujus jus superioris ab moralibus ordinis est: non brutum, cui moraliter loquendo nullum jus ferri potest. V. d. 4. t. 20. Jus naturale interdum hominî cum brutis commune dicitur, c. l. t. 22. Sed quantum ad brutum id attinet, verè loquendo jus illud non est, nisi à Jctis ita interdum extendatur. Nec n. ratio distinguens bonum à malo in bruto est: nec voluntas aut electio unus præ alio: nec ulla justitia, quæ vera virtus sit. Cum idola tantum virtutum & umbrae in illis reperiantur. d. 2. t. 5. Jus a. quale hic traditur, est vera justitiæ effectum: Sed inclinatio, potentia, operatio, & instinctus aliquis naturæ, qui certâ ratione dirigitur, prout bruti naturæ, & finî convenit, quo respectu omnes creatura dicuntur habere legem sibi impositam, quæ lex passivè in ipsis reperitur, quâ diriguntur & determinantur ad suos fines à Deo & naturâ, ordinariâ Dei administrâ, & sic per similitudinem jus & lex eorum appellatur. Job. 38. v. 10. II. Psal. 148. v. 6. Jer. 33. v. 20. 25. Ita inclinatio & instinctus in bruto est ad defensionem vite, libertatis, sustentationem fœtus, conjunctionem sexus, procreationem speciei, quorum apprehensiones in brutis sunt per

instinctum natura; in hominib. per iudicium rationis. Sic per analogiam in brutis ius naturale vocatur, cum propriè instinctus aut impetus naturalis sit. Conf. Valles. c. 74. fac. Philos. Et homo contra talem inclinationem peccans exemplo brutorio validè reprehenditur. Esai. i. v. 3. Jer. 8. v. 7. Dicitur à rectâ ratione præscriptum, quia causa ejus est recta ratio moraliter judicans, & honesta præcipiens. Est enim ius hîc effectum justitiæ, & justitiæ, ut omnis virtus, à rectâ ratione ut proximo directorio, regitur, ut mediocritas prudentis rationis. d. 3. th. 14. In societate humanâ, quia hoc est velut objectum & finis, quo ius servandum, ut societas humana constet, & in illâ debitè ac aequè homo cum homine agere sciat. Divisio juris varia esse solet. Vt in naturale, gentium, & civile, divinum & humanum, universale & particulare &c. De quo d. 4. t. 22. vide. Conf. Casum l. 5. Eth. c. 7. Amesium l. 5. de Consc. c. 1.

27. Oppositum justitiæ particularis est injustitiæ particularis, vitium morale mediocritatē moralem in usurpatione rerum externarum violans. *Vitium morale, i. e. habitus pravus actionibus repetitis acquisitus. Vna enim a. altera actio moraliter vitiosum non facit, etsi actum inhonestum faciat. Vnde distinguunt inter injustè agere, & injustū esse. Injustè agit is, qui sciens volensq. contra dictamen prudentiæ moralis aliquem defraudat, aut iniquè premium vel aliud distribuit. Hoc modo semel iniquè agentem nomine vitiorum moralium in communi usu appellare solemus, ut qui semel furatus, adulteratus, scortatus, furem, adulterum & scortatorem dicimus, etsi frequenter actum istum non repetierit. Injustus est is moraliter, qui ex habitu confirmato sciens volensq. actus injustos contra lesi voluntatem exerit. Vnde ad injustitiam moralem requiritur ex parte ledentis noitiia & voluntas, ut sciens volensq. ledere velit alterum, & ut potuisset vitare, si voluisset.*

luisset. Hinc furiosum, quamdiu talis est, nec intervalla habet, negant injuriam inferre posse, quod non sciat a. discernat, quid agat. V. Camerar. C. 2. c. 7. Et in seipsum etiam nemo injurius, quia nemo à seipso disparatur. V. d. 4. t. 9. & 5. Nicom. c. 11. 15. Nec bruta injuriâ nos afficere possunt, nisi ledere possint, quia actus illorum non cum libertate arbitrij, ratione, & praelectione, conjunctus est: Ex parte loci voluntas s. renitentia, quâ nolle id pati, quod inferitur, si amovere posset. Volenti enim voluntate completâ & rectâ, non fit injuria, h. e. violatio juris per vim ac necessitatē coactionis illata. Si voluntas sit incompleta, ut in actibus mistis, quos vocant, ut cum viator latroni pro redimendâ vitâ pecuniam numerare cogitur: aut corrupta, ut cum melancholicus se occidi postulat, injuria inferri potest. Ita morte dignus est, qui alterum occidit, quamvis id expetat. Appetitus n. hic non est rationis recta, sed cæca & distorta. Sic David Amalecitam jugulari jubet, quod Saulem postulantem occidisset. 2. Sam. I. V. 15. Sic injuste agit, qui Martyres & innocentes occidit, etiamsi ad mortem properent, eamq. voīs expetant. Appetitus n. ille est contra sanam rationem. Et injuria pro justī violatione accepta non pendet ex voluntate patientis, s. is consentiat, s. dissentiat, sed ex regulâ justitiæ. Hoc modo injustum fieri potest volenti & consentienti. Sic Christus in morte subeundâ fuit volens & consentiens, V. dec. 2. d. 6. corol. 2. & tamen injuriam passus est maximè atrocem. Plura de hoc ap. Ch. Matthiam I. 3. Eth. ex. 9. q. 5. Amel. I. 5. Consc. c. 6. lege. Injustitia & injustorum exempla ap. Zvinger. vol. 16. l. I. 2. 3. vide. Iniqui Vsurarij, judices injusti, raptores violenti, fures, occulti expilatores, alienorum emunctores, &c. huc pertinent. Hesiodus l. I. op. & di. nec se, nec liberos suos in hâc pravitate vitæ justos esse optat. Nam justum esse, ait, malum est, melior si causa

malorum. Sed *justi non justitiam instar agri, quæstus gratiâ, colunt, sed instar virtutis, sui & honestatis suæ gratiâ, etsi parum in improbâ vitâ inde commodi quandoq; reportent.*

28. Hæc de virtute actionem nostram cum aliis dirigente, *justitiâ particulari*: Sequitur virtus aliorum actionem erga nos dirigens, *Mansuetudo*. Hæc interdum sumitur naturaliter, pro placiditate naturali, quomodo animalia alia mansuetâ & cicuria, alia fera dicimus, ut leonem, tigridem: interdum moraliter pro habitu acquisito placidum iræ affectum reddente. Ita hic. Ita definitur Virtus moralis directæ, mediocritatem prudentiæ in irascendo servare faciens, ut in irâ & vindictâ decenter nos geramus. Objectum ejus vel internum est, appetitus irascendi, & ipse iræ affectus: vel externum, partim πᾶν ὀργιστικόν, omne iram concitans, ut injuria, damnum, convitium, mendacium, fraus, &c. Hic dicitur lenitas: partim ipsa vindicta & pœna, circa quam moderandam occupata mansuetudo specialiter dicitur Clementia. Ut Seneca l. 1. de clem. c. 3. observat. Virtus Principi & Magistratui summè necessaria. V. pulchrè Marlian. th. Polit. c. 3. Senecam. c. 1. Secus ac vult Machiavellus, qui damnosam Principi statuit, & sevitiâ commendat. Falsissimè & alienè. V. Antimac. l. 3. t. 8. 9. 13. 14. 22. Exercebitur mansuetudo ab homine, si considerentur causæ irascendi, quæ si sint principales & publicæ, irâ dignæ sunt: Si accessoria & privata, magis remissione obliterandæ, aut tanquam viliores nobis, rejiciendæ, quàm vindicandæ. Objectum, cui irascendum est, sit homo vivus, rationis compos, inferior a. equalis, non superior: improbus, & pertinax ac voluntarius, qui pro ære tice peccet: Tempus, quo inchoari & continuari ira debeat: non sit sub publicâ consultatione, concione, panegyri, lætitiâ, a. simili festivitate, ubi latandum, non irascendum: nec
nimis

nimis productum: non alenda ira, sed abrumpenda, ne in odium & furorem degeneret. V. Senecæ libros d. irâ: Modus, quo irascendum; fiat cum: honestâ proportionē circumstantiarū omnium, & ratio honestatis, intellectus nostri, delicti & delinquentis, & pœna ac vindicantis habeantur, ut vindicta publica à privatâ discernatur, ne aliquid istis adversum quaquâ ratione committatur. Plurib. conf. Valentiam T. 2. d. 3. q. 10. p. 2. Photiniani Christiano vindictam etiam publicam per Magistratum inferendam postulari non posse statuunt. V. Smalc. d. diu. Chri. c. 5. & c. D. Frantz. d. 6. d. reb. ciu. f. 2. & d. 7. d. bon. op. r. 103. 104. Catech. Racov. maj. c. 1. p. 195. Ostorod. c. 26. inst. n. 1. 2. Stegmannum in probâ, c. 11. p. 439. 440. c. 12. p. 458. Socinum c. Palæolog. p. 2. n. 17. 18. seq; & p. 3. c. 2. & pauca in epist. ad Squarcialupum p. 21. repetit, aliosq; Falsum hoc esse ex Rom. 13. v. 4. apparet, ubi Magistratus vindex in pœnam malefici dicitur. Si iusta est Magistratus vindicta, iusta etiâ erit publica vindicta à Christiano facta postulatio. Quod n. Magistratus jure exequitur, id ut exequatur, justè Christianus postulare potest. Plura ap. D. Gerh. d. Mag. §. 271. seq; D. Stegm. d. 19. Phot. q. 3. D. Frantz. vind. d. bon. op. d. 2. f. 9. Timpler. 3. Ethic. c. 1. q. 6. aliosq; vide. Exempla mansuetudinis & clementia Zvinger. vol. 10. l. 1. 2. & vol. 12. l. 1. Manlius Collect: p. 248. seq; habent. Specialiora mansuetudinis media sunt preces, humilitas, & cunctatio. De quib. Conf. D. Balduin. l. 4. d. Consc. c. 17. q. 6. Amel. l. 5. consc. c. 27.

28. Opposita Mansueti: sunt excessus & defectus. Excessus est iracundia, vitium morale in irascendo modum servare nesciens. Ut cum ex levi, a. alienâ causâ, aut nimio modo irascimur. Estq; vel excarescentia, cum facili ratione ad iram delabimur: vel amarulentia, cum iram conceptam diu

& occultè fovemus: vel difficultas, asperitas, & implacabili-
 tas, cum sine vindictâ ira non sedatur. Exempla Zving. vol.
 10. l. 3. 4. habet. Defectus est stupiditas & lentitudo, cum nec,
 ubi moraliter decet, irascimur. Estq; vel generalis, qua in o-
 mni statu adhibetur: vel specialis, qua vel in Politico, & dici-
 tur conniventia, cum Magistratus omnibus sceleribus conni-
 vet: vel Oeconomico, & dicitur indulgentia, cum parentes ni-
 mis leniter tractant liberos. Exempla Zving. c. 1. l. 5. habet.
 Quodnam deterius, iracundia an lentitudo, & quodnam
 magis mansuetudini repugnet, quæ hîc solet? Iracundia
 magis est opposita mansuetudini, quàm lentitudo, quia magis
 ab illâ recedit, hæc propius accedit: Illa magis turbat societa-
 tem humanam, quàm hæc: magis ferina & beluina est, quàm
 hæc: & frequentius circa illâ peccatur ab homine, quàm hanc:
 itaq; & deterior hæc. Sed & lentitudo insigne in homine vitium
 est, facit n. velut mancipium, & ad res gerendas penitus ine-
 ptum, cum ira interdum cos fortitudinis esse queat. Et valet
 hîc illud: Malè vivitur, ubi nihil licet: pejus, ubi omnia.
 Vnde rectè Archidamidas cuidâ Charillum prædicanti, quòd
 erga omnes pariter mitis ac mansuetus esset, quâ fronte, dixit,
 lauderetur aliquis, qui erga sceleratos se mitè prabeat? Eras. l. i.
 apoph. p. 83. Oportet mansuetudinē junctam esse justitiā. Se-
 cus Principis in facinorosos lenitas est in bonos crudelitas. Conf.
 Camerar. C. l. c. 100. D. Gerhard. d. Mag. §. 308. Et dum sce-
 leratus parciitur, bonos utiq; perditumitur, ut Salustius loqui-
 tur. Stoici hanc introducunt, dum sapientem ἀπαθῆν & sine
 ullo affectu esse volunt, & in totū irasci licere negant. Sed ira,
 ut affectus, sapienti est concedenda, non ut habitus. Plura ap.
 Kecker. d. 26. Cur. Ph. q. 3. 4. Timpler. 3. Eth. c. i. q. 5. vide.

Hæc etiam de virtutibus actus cum nostros, cum alie-
 nos dirigentibus dicta sufficiant.

tion
ere
and
re.
ti-
tar
are,
oo
tio-
r li
pe-
r.

